



**ԵՐԵՎԱՆ ՔԱՂԱՔԻ ԱՌԱՋԻՆ ԱՏՅԱՆԻ
ԸՆԴՀԱՆՈՒՐ ԻՐԱՎԱՍՈՒԹՅԱՆ ՔԱՂԱՔԱՅԻԱԿԱՆ ԴԱՏԱՐԱՆ**

**ՈՐՈՇՈՒՄ
ՀԱՅՅԱԴԻՄՈՒՄԸ ՎԱՐՈՒՅԹ ԸՆԴՈՒՆԵԼՈՒ,
ԱՊԱՑՈՒՅՑ ՊԱՀԱՆՁԵԼՈՒ ԵՎ
ԵԶՐԱՓՈՎԻՉ ԴԱՏԱԿԱՆ ԱԿՏԻ ՕՐ ՆՇԱՆԱԿԵԼՈՒ ՄԱՍԻՆ**

ք.Երևան

26.02.2024թ.

Երևան քաղաքի առաջին աստյանի ընդհանուր իրավասության քաղաքացիական դատարանը՝ նախագահությամբ դատավոր Արտուշ Ավագյանի, քննության առնելով թիվ ԵՂ2/0833/02/24 քաղաքացիական գործով ըստ հայցի «Սիգմա Էլեկտրոնիքս» ՍՊԸ-ի ընդդեմ ՀՀ դատախազության՝ 18.01.2024թ. ամսաթվով թվագրված ՀՀ դատախազության գլխավոր քարտուղարի «Սիգմա Էլեկտրոնիքս» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու վերաբերյալ որոշումն անվավեր ճանաչելու պահանջի մասին, հայցադիմումը վարույթ ընդունելու և ապացույց պահանջելու մասին հարցը

ՊԱՐԶԵՑ

«Սիգմա Էլեկտրոնիքս» ՍՊԸ-ի ներկայացուցչի կողմից հայցադիմում է ներկայացվել Երևան քաղաքի առաջին աստյանի ընդհանուր իրավասության քաղաքացիական դատարան (այսուհետ նաև՝ Դատարան) ընդդեմ ՀՀ դատախազության՝ 18.01.2024թ. ամսաթվով թվագրված ՀՀ դատախազության գլխավոր քարտուղարի «Սիգմա Էլեկտրոնիքս» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու վերաբերյալ որոշումն անվավեր ճանաչելու պահանջի մասին:

Հայցադիմումը Դատարանի գրասենյակ է մուտքագրվել 31.01.2024թ.-ին, իսկ դատավորի կազմին է հանձնվել 05.02.2024թ.-ին:

Հայցվորի կողմից հայցադիմումում թույլ տրված խախտումները վերացնելուց հետո՝ 21.02.2024 թվականին, այն կրկին ներկայացվել է դատարան, իսկ դատավորի կազմին է հանձնվել 22.02.2024թ.-ին:

ՀՀ քաղաքացիական դատավարության օրենսգրքի 125-րդ հոդվածի 1-ին մասի համաձայն՝ Առաջին աստյանի դատարանը վարույթ է ընդունում ներկայացված հայցադիմումը, եթե առկա չեն հայցադիմումի ընդունումը մերժելու կամ այն վերադարձնելու հիմքերը:

ՀՀ քաղաքացիական դատավարության օրենսգրքի 201-րդ հոդվածի Է-ին մասի համաձայն՝ Դատարանները հատուկ հայցային վարույթներն իրականացնում են սույն օրենսգրքով նախատեսված գործի քննության ընդհանուր կանոնների համաձայն, այն



հատուկ կանոնների պահպանմամբ, որոնք սահմանված են սույն ենթաբաժնի դրույթներով:

ՀՀ քաղաքացիական դատավարության օրենսգրքի 234.5-րդ հոդվածի 1-ին մասի համաձայն՝ Դատարանը սույն գլխով սահմանված կարգով քննում և լուծում է «Գնումների մասին» Հայաստանի Հանրապետության օրենքի 46-րդ հոդվածի 1-ին մասով սահմանված՝ պատվիրատուի և գնահատող հանձնաժողովի գործողությունների (անգործության) և որոշումների բողոքարկման հետ կապված վեճերը:

Դատարանը, ուսումնասիրելով ներկայացված հայցադիմումը, արձանագրում է, որ այն վերադարձնելու կամ ընդունումը մերժելու հիմքեր առկա չեն և գտնում է, որ այն ենթակա է վարույթ ընդունման, ինչպես նաև հաշվի առնելով ՀՀ քաղաքացիական դատավարության օրենսգրքով գնումների հետ կապված վեճերով վարույթների համար նախատեսված առանձնահատկությունները, Դատարանը գտնում է նաև, որ միաժամանակ անհրաժեշտ է Պատասխանողից պահանջել ՀՀ քաղաքացիական դատավարության օրենսգրքով սահմանված ապացույցները:

Ելնելով վերոգրյալից և ղեկավարվելով ՀՀ քաղաքացիական դատավարության օրենսգրքի 199-200-րդ, 201-րդ, 202-րդ, 234.5-րդ, 234.6-րդ հոդվածներով

ՈՐՈՇԵՑ

1. «Սիզմա Էլեկտրոնիքս» ՍՊԸ-ի հայցն ընդդեմ ՀՀ դատախազության՝ 18.01.2024թ. ամսաթվով թվագրված ՀՀ դատախազության գլխավոր քարտուղարի «Սիզմա Էլեկտրոնիքս» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու վերաբերյալ որոշումն անվավեր ճանաչելու պահանջի մասին, ընդունել վարույթ:

2. Գործը քննել հատուկ հայցային վարույթի կարգով:

3. Պատասխանող ՀՀ դատախազությունից պահանջել ՀԳԴ-ԷԱՃԱՊՁԲ-23/21 ծածկագրով գնման գործընթացի հետ կապված վերջինիս տիրապետման տակ գտնվող բոլոր ապացույցները:

4. Որոշման նախորդ՝ 3-րդ, կետում նշված ապացույցները պատասխանողի կողմից պետք է ներկայացվեն սույն որոշումը ստանալուց հետո՝ հնգօրյա ժամկետում:

5. Եզրափակիչ դատական ակտի հրապարակման օր նշանակել 08.04.2024թ., այն հրապարակելով www.court.am դատական իշխանության պաշտոնական կայքի միջոցով:

Որոշումն օրինական ուժի մեջ է մտնում կայացման պահից և ենթակա չէ բողոքարկման:

ԴՍՏԱՎՈՐ՝  ԱՐՏՈՒՇ ԱՎԱԳՅԱՆ